



DEO OPTIMO MAX.

UNI ET TRINO,

VIRGINI DEI-PARÆ, ET S. LUCÆ,

Orthodoxorum Medicorum Patrono.



QUÆSTIO MEDICO-CHIRURGICA

QUOD LIBETARIIS DISPUTATIONIBUS

*manè discutienda in Scholis Medicorum, die Jovis decimâ-sexâ  
mensis Martii, anno Domini M. DCC. LXXXVI.*

M. JACOBO-LUDOVICO ALLEAUME, antiquo Facultatis  
Decano, & Militarium Nosocomiorum ad Regis Exercitum, nec-  
non in Infulis Americanis nuper Medico Regis, Doctore Medico,  
Præfide.

*An Vulneribus & Ulceribus succus gastricus?*

I

ULTIMUM vitæ terminum homini commonstrantibus morbis quibuscum-  
que, sanitati ipsius infensis, ille quæ sibi ferret auxilium naturam advocavit.  
Quas inter omnigenas maternâ manu largita fuit opes, quasdam ad vitam sus-

C. 16

tentandam necessarias cùm experiretur, quasdam alias, ad ejusdem auram vite jamjam volentem retinendam idoneas, suspicandum collegit. Inde alimenta & medicamenta audiere naturales substantiæ, prout, corpus humanum aut sanum alerent, aut l. b. f. a. t. u. m. reficerent. Ad ipsius compagem solvendam, nituntur exitus quidquid est corporum, tùm gravium tùm durorum, quæ inter cædendum, inter feriendum, inter cædendum nos offendere possunt; intus è contrà, dum invertitur viscerum actio, ipsorum læsiones totius machinæ ruinam moluntur. Suis itaque à causis, morbi vel externi, vel interni dicti fuere, quibuique curandis diversa fuit à Medicis usurpata therapeia, quam ipsos docuit experientia. Eâ parente nata, eâ sub magistrâ adolevit illa pars artis iatricæ, quam *materiam salutant medicam*, in quâ, quicquid de medicamentorum viribus & efficacîa nobis innotuit, haud secus ac in officinâ ordinatur. Hoc in armamentario, Medico contra morbos arma suppeditantur è triplici regno parata. Longam attamen per ætatem feriem, vegetabili profapiæ palmam concedentes Medici, tùm mineralem, tùm animale, quasi respicere vis sunt; at præeunte Chemiæ face, caliginotus discuti coepit error, & introspecti Pharmaceuticus thesaurus, tùm intrâ telluris, tùm intrâ ipsorum animantium viscera reconditus; in dies igitur magis ac magis splendente Chemiâ, in apricum adhuc ignota producuntur medicamina, & novorum quondam detegendorum spes affulget. Inter innumera quibus de nobis benè merita fuit Chemiæ beneficiis, haud mediocris est illud notæ, quo in humoribus alimentorum menstruis, vulnerum lenimen deterisivum indigitavit. Itaque quomodo vulneribus glutinandis, ulceribusque detergendis, accomodatus sit succus gastricus demonstrandum.

## I I.

**S**UCCUS audit gastricus, ille, qui in ventriculo propriè dicto animalium cujuslibet generis delitescit, ut alimenta dissolvens, solus digestionis opus perficiat: diversas dotes fortitur (1), prout hæc, vel illa animantibus est vivendi ratio. Vario enim antisepticitatis gradu donatur succus ille, apud animantia herbivora ruminantia, & non ruminantia, carnivora & omnivora, ut experientiis nuper ab Italis tentatis demonstratur. Succus gastricus animantis herbivori, putà bovis si absque miscelâ, temperiei 19° *Thermometri Reaumuriani* per quadraginta octo horas exponatur, nullam patitur mutationem. Si verò in illum immergantur carnis frustula, post octo horas simul cum carne putrescit. Succus gastricus animantium omnivororum aëri expositus, paulatim quæ cum illo in consortium veniebat aquâ vaporazione defraudatur, nullo modo in putredinem abiens. Haud secus sese habet succus gastricus animantium carnivororum; at notandum est quòd hic, admixtis vel sanguine, vel carnibus recentibus seu jam sœtentibus præcediri habenas injiciat, dùm è contrà succus gastricus omnivororum animantium, substantias animales ipso irrotatas ad putredinem trahit.

## I I I.

**E**X dictis sequitur, vulneribus sanandis succum gastricum animantium carnivororum, cæterorum antecellere. Obtinetur vulgò sequenti modo è ventriculis *Fulcorum, Milvorum, Cornicum*, quæ antea carnibus duntaxat sunt alen-

(1) Quoad Analysin variorum succi gastrici animantium, vide, A libeat, opus cui titulus est: *Journ. de Physique, Mars 1785. pag. 173.*

3  
dæ. Illis ter vel quater in die glutinda porrigitur spongia, filo annexo è rostro propendente; cùm jam sat madidam succo gastrico spongiam suspicandum venerit, extrahitur fili ope, & liquor contentus exprimitur. Si verò prædatrices non sint in promptu aves, ad Bovinum succum gastricum recurrendum erit, facillimè obtinendum, cùm animale jugulato foràs simul & fistula intestinalis & ventriculus ejiciantur; per lineum tenue dein percolatus, in lagenâ concluditur asservandus. Quem si in usum advocare volueris, balneo maris calefiat; ipso purgentur vulnera & ulcera, super appositis linamentis carptis, & splenio, quibus succus ille affunditur; apparatus alternis horis irrorandus, si fieri possit, & deligatio bis tantummodò quotidie solvenda.

## I V.

SUAM protinus exerit vim medicamen illud; primùm dolores haud parvos suscitât, brevi leniendos, & etiam penitus post tertiam vel quartam deligationem tollendos; quâ peractâ amandatur insignitè vulnèrum & ulcerum conditio. Propositum comprobant experimenta à D. *Toggia Torinensi* tentata, qui, hujusce medicaminis operâ, vulnus inveteratum tergus *Equi* occupans, sanavit. Quâlibet deligatione, ipsi fuit observare, vulnus expurgari, & imminui. Paulò post tandem, absque ullo alio remedio inducâ fuit cicatrix. Quæ cùm suis votis successisset experientia, ipsi homines subjecit D. *Toggia*. Juvenis quidam 19 annos natus vulnere tibiam deturpante laborabat, solitis medicaminibus nullatenus debellando; tumeant insignitè vulnèris oræ, & ex ipsius fundo carnes surgebant luxuriantes; pruritus vexabat tibiam immodicus, irâ ut nec quieti nec somno indulgere, ægro liceret. Ut in utrum traheretur succus gastricus, suavit D. *Toggia*. Per unum & alterum diem digestivi vices egit, at mox bonæ successit pus notæ, quod citissimè fuit consecuta cicatrix; haud infeliciorem habuerunt exitum D. *Carminati* Medici Paduensis & D. *Jurine* Ch. Genev. experimenta. Hic ad ulcera inveterata debellanda succum adhibuit gastricum, & ad sedandos dolores qui miserissimam torquebant mulierem, cujus mammas cancer depascebatur. Hæc postea æquo expectavit animo diem, quæ vitæ simul & malo finem erat impossitura (1).

## V.

SUCCUS, inquit, gastricus bovinus, si carnibus affundatur, ut constat experimentis allegatis, citò putredinem accersit. — Huic incommodo subveniunt frequentiores deligationes. Succus, instabunt, gastricus vehementes parit dolores, deòque ægrorum exacerbat mala; — at idem exprobandum usurpatis vulgò medicaminibus, quæ ob eadem vitia carpenda sunt, non iidem extollenda laudibus, ac succus gastricus qui doloribus lenitis pungentibus, tetro turpissimorum ulcerum odore temperato, ea deterget, laudabiliorem efficit suppura-

(1) Voir le Mémoire de M. Sennebier. *Journal de Physique*, Mars 1785.

tionem, & cicatricem promptissimam inducit. Quibus perpensis huius leuioris  
momenti rationibus, quis nobiscum non concludat?

*Ergo Vulneribus & Ulceribus Succus gastricus.*

DOMINI DOCTORES DISPUTATURI.

*M. Antonius MATHEY.*

*M. Ludov.-Carolus HALLOT.*

*M. Ludovicus-Joannes-Baptista  
COSNIER.*

*M. Joannes Baptista-Josephus  
THÉRY.*

*M. Joannes-Jacobus LEROUX  
DES TILLET.*

*M. Petrus-Augustus ADET.*

*M. Joannes-Franciscus MARI-  
NIER, Chirurgia Latino idio-  
mate Professor designatus.*

*M. Augustinus ROUSSEL DE  
VAUZESME, Nosodochii  
Stampensis, nuper Medicus.*

*M. Stephanus-Ludov. GEOF-  
FROT, Eques, Regis à Con-  
siliis & Secretis, in Urbis  
Præfeturæ Medicus, Socie-  
tatis Botanicae Florentinae,  
necnon Patrioticæ Stokolmiën-  
sis Socius.*

Proponebat Parisiis, PETRUS-AUGUSTUS ADET, Parisinus, Saluberrimæ  
Facultatis Medicinæ Parisiensis Baccalaureus, Theses Author. A. R. S. H. 1786.

AB OCTAVA AD MERIDIEM.

---

Typis QUILLAV, Saluberrimæ Facultatis Medicinæ Parisiensis Typographi.